



## Universitätsbibliothek Paderborn

### **Ioannis S. R. E. Cardinalis Bona Opera Omnia**

Tribus Tomis comprehensa

De Divina Psalmodia, Ejusque Causis, Mysteriis, Et Disciplinis, deque variis Ritibus omnium Ecclesiarum in psallendis Divinis Officiis, Tractatus, Historicvs, Symbolicvs, Asceticvs. Sive Psallentis Ecclesiae Harmonia - Opus novum, & curiosum, ac multiplici eruditione illustratum ... Operum ...

**Bona, Giovanni**

**Parisiis, 1678**

§. 3. Operis clausula, & pro ea gratiarum actio.

**urn:nbn:de:hbz:466:1-9929**



narrat consequenter accidisse. Erat ibi Prior nomine Joannes, qui lentis quibusdam infirmitatibus macilentus videbatur semper & gracilis. Hac itaque sui corporis imbecilla tenuitate confusus, sæpè jacens in lecto, Completorium decurrebat. Accidit autem, ut dæmoniacus quidam non procul abesset, qui multa hominum secreta, & obscænos actus impudens propalaret. Cumque præfatus Joannes dæmonem exire præciperet, & quibusdam exorcismi quæstionibus flagellaret: Tu ne, ait, ille es, qui sub cotto quotidie Completorium infusurras, & modò me quasi Sanctus ejicere, & juris mei vasculum de meo vis dominio liberare? Hoc audito frater erubuit, quia rei veritatem etiam per mendacii recognovit auctorem. Hactenus ille.

## §. III.

*Operis clausula, & pro ea gratiarum actio.*

I. **H**Æc habui, quæ de divina Psalmodia non pro rei majestate, sed pro virium mearum tenuitate proferrem. Plura sanè potuissem è Sanctorum Patrum amœnissimis hortis colligere, quibus hoc sterile senticetum uberius exornaretur; sed præstabilius visum est in tanta rerum congerie servare temperamentum, & posterorum industriæ multa relinquere. Cæterum quia hoc opus ex scriptis veterum Patrum orthodoxorum magna ex parte compactum est, illorum dicta haud inopportunè in hac meta usurpabo. Et primò quidem illis verbis lectorem meum conveniam, quibus modestissimè alloquitur suum Timotheum Magnus Dionysius Arcopagita in fine libri de Ecclesiastica Hierarchia. Hæc à me, Fili, tam multa, tamque præclara Hierarchiæ nostræ spectacula, quæ unum faciunt, aspecta, & animadversa sunt. Ab aliis autem mentibus, quæ acrius cernunt, non modo hæc perspecta sunt, sed multo clariora, & diviniora. Tibi etiam,

Bbb iiij



ut opinor, planè collucebunt clariores, divinioreſque pulchritudines, ſi iis, quos dixi gradibus ad ſuperiorem radium contendas. Communica igitur tu quoque mecum majorem, perfectioremque lucem, meiſque oculis monſtra præſtantes, & unius ſpeciem magis exprimentes formas quaſcunque cernere potueris. Conſido enim me hiſ que ſunt commemorata inſitas tibi divini ignis ſcintillas excitaturam. Dicam & illud quod Maximus Martyr in fine opusculi de Eccleſiaſtica myſtagogia ſcribit. Hęc ergo de hiſ pro viribus expoſui, ea que ſunt magis myſtica & altiora attingere non auſus. Danda eſt autem venia imbecillitati mee: & ſuſcipiendum eſt potius, quam reprehendendum, ſi quod dari poteſt datur. Deo enim gratum, & acceptum eſt, quicquid pro viribus purè, & ſincerè ex animo datur, etiamſi cum magnis collatum videatur exiguum. Clauſulam quoque hic apponam, qua ſuum terminat Theophræſtum Æneas Gazeus Philoſophus Chriſtianus. Jam quoniam iſtuc venimus, ſacrificium gratiarum actionis Deo offeramus, non Hecatomben, ut apud Athenienſes Minervę; nec formicam, ut in Iſthmò Soli, & Neptuno, ſed perpurgatam mentem, quo Deo ſimiles evadamus. O Rex, & Pater, & Conditor omnium: ô prima ſapientia Patris, & Verbum per quod iſ omnia produxit: ô Spiritus Sancte, per quem Deus omnibus aſpirat, omnia comprehendit, & conſervat, & ad ſuam perfectionem adduxit: ô divina Trinitas, & ſancta Unitas, des nobis ſuperne illius pulchritudinis memoriam, des omnibus eternitatem. Nec verebor Juvenci Poëtę aſſumpta perſona aliquid mihi de hoc qualicunque opere polliceri cantans in hoc Epilogo, quod ille in Prologo Evangelicę Hiſtorię cecinit.

*Nec metuo ut mundi rapiant incendia ſecum  
Hoc opus. Hoc etenim forſan me ſubtrahet igni.*



*Tunc cum flammivoma descendet nube coruscans,  
Iudex altithroni genitoris gloria Christus.*

Denique hac oratiuncula Deum precabor, qua libros de Trinitate concludit Augustinus. Domine Deus unus, Deus Trinitas, quęcunque dixi hic de tuo, agnoscant & tui: Si quę de meo, & tu ignosce, & tui. Amen.


METRUM L.

**O** Mibi jam plures multum vigilata per annos  
 Pagina, sat spatiis longum confecimus equor.  
 Naufraga fluctivago jactata carina profundo  
 Iam portum tranquilla tenet: jam dente tenaci  
 Anchora de prora jacitur jam littore gaudet  
 Navita, jam Scyllę monstrum, rabięque Charybdis;  
 Et syrtes, scopulosque, & venti evasimus iram.  
 Iam licet optatam saltu contingere terram,  
 Et superis meritas pro munere solvere grates.  
 Omnipotens Genitor, cęli suprema potestas,  
 Principium sine principio, sator unice rerum,  
 Immensus, sine fine potens, sine tempore durans;  
 Absque loco loca cuncta replens, sine luce coruscans,  
 Cuncta simul sine voce loquens, sine robore fortis,  
 Mundum mente gerens, sine motu cuncta gubernans;  
 Unicus, & simplex, placidus seu parcis amanti,  
 Expectasque tacens; seu crimina vindicę pœna  
 Corrigis iratus, seu justis pręmia reddis.  
 Haud opis humanę est dignas tibi solvere grates;  
 Sed cęli dum luce fruatur, te carmine semper,  
 Pectore te memori cantabo, nulla carebit  
 Laudibus hora tuis. Tuque o sapientia Patris,  
 Principium de principio, de lumine lumen,  
 A vero verax, soboles æquęva Parenti,  
 Fons lucis, mentale jubar, Verbumque paternum;  
 Omnia cognoscens divina notio mentis,



*Ars summi Artificis , primique expressio veri ,  
 Tu precor ignaro , majoraque viribus auso  
 Ignosce , & clemens audacibus annue scriptis.  
 Tu Bonitas , tu Patris Amor , tu mutuus ardor ,  
 O Patris , & Nati Flamen , qui compar utrique  
 Imperium sine fine tenes spirabile Numen ,  
 Tu quoque , si potui per te tot adire labores ,  
 Has licet exiguas pro munere suscipe laudes.  
 Auspice te , quacunq; fides Romana patebit ,  
 Ore legar populi , nec me libitina sepulchro ,  
 Nec ventura dies tenebrosa condere nocte ,  
 Nec poterunt flamma , nec edax abolere vetustas.  
 Candida posteritas , duce te , mihi digna laboris  
 Premia , & immeritam statuet cum laude coronam.*

FINIS.



IMPRIMATUR,

Si videbitur Reverendiss. P. Sac. Palatii Apost. Magistro.

*Ascanius Rivald. Vicesger.*

---

Imprimatur. Fr. Vincentius Cepolla Magist. Reve-  
 rendiss. P. Magistri Sacri Palatii Apostolici Socius,  
 Ordinis Prædicat.